




Broj: 05-50-1-2075-1/16
Sarajevo, 28. 7. 2016. godine

PARLAMENTARNA SKUPŠTINA BiH

- Zastupnički dom -

SARAJEVO



PREDMET: Odgovor na zastupničko pitanje, *dostavlja se*

Vijeće ministara Bosne i Hercegovine, na 66. sjednici, održanoj 28. 7. 2016. godine, utvrdilo je odgovor na zastupničko pitanje koje je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

Napominjemo da je uz odgovor priloženo i mišljenje Ministarstva vanjske trgovine i ekonomskih odnosa, sukladno zaključku Vijeća ministara Bosne i Hercegovine, broj: 05-07-1-791-23a/16 od 16. 3. 2016. godine.

U privitku prosljeđujemo odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



Bosnia and Herzegovina
COUNCIL OF MINISTERS

Broj: 05-50-1-2075-1/16

Sarajevo: 28.7.2016. godine

Senad Šepić, poslanik u Predstavničkom domu Parlamentarne skupštine Bosne i Hercegovine, je 27.06.2016.godine u skladu sa čl. 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH, br 79/14, 81/15 i 97/15), postavio sljedeće poslaničko pitanje u pisanoj formi:

„Molim da mi dostavite informaciju o trendu investicija u BiH – koje oblasti, koje zemlje i u kojim iznosima su investirale u BiH u periodu 2015 – juni 2016.godine. Molim uporedne pokazatelje sa 2014.godinom.“

Na postavljeno pitanje, Vijeće ministara Bosne i Hercegovine je na 66. sjednici održanoj 28.7.2016. godine, utvrdilo sljedeći

ODGOVOR

Centralna banka BiH i Ministarstvo spoljne trgovine i ekonomskih odnosa BiH su institucije nadležne za vođenje evidencije o stranim ulaganjima u Bosni i Hercegovini. U prijedlogu odgovora dostavljamo podatke kojima raspolažemo za period 2015-juni 2016.godine.

Zvanične podatke o Stanju i Tokovima direktnih stranih ulaganja (DSU), u BiH na godišnjem nivou, Centralna banka BiH objavljuje osam mjeseci po isteku izvještajne godine. U ovom momentu dostupni su privremeni podaci u okviru:

- **Platnog bilansa za prvi kvartal 2016.godine i 2015.godinu.** Ovi podaci su sa procijenjenim iznosom zadržanih zarada, ali ne sadrže informaciju o zemljama investitorima, niti o oblastima ulaganja.
- **Tokova DSU za period I–IX 2015.godine.** Podaci pružaju informacije o djelatnostima ulaganja i državama ulagačima. Ne obuhvataju segment zadržanih zarada koje se uvrštavaju na godišnjem nivou u okviru zvaničnih podataka.

Direktna strana ulaganja za prvi kvartal 2016.godine i za 2015.godinu u okviru Platnog bilansa

Neto stvorene finansijske obaveze u okviru direktnih investicija Platnog bilansa BiH, za prva tri mjeseca 2016. godine, iznose 130,4 miliona KM. **Preliminarni podaci za prvi**

kvartal 2016. godine pokazuju povećanje direktnih stranih investicija za 114,1% u odnosu na prvi kvartal prošle godine (Q1 2015 - 60,92 miliona KM).

U okviru Platnog bilansa BiH - Neto finansijska pasiva (neto stvorene finansijske obaveze) prema prvim podacima Centralne banke BiH, strana ulaganja u **2015. godini** iznose 473,1 milion KM (242 miliona eura), što predstavlja smanjenje za 34,8% u odnosu na prethodnu godinu.

Direktna strana ulaganja za period I-IX 2015. u okviru Tokova DSU

Prema raspoloživim preliminarnim podacima Centralne banke BiH u okviru Tokova DSU, bez iznosa zadržanih zarada, za period od januara do septembra 2015, direktna strana ulaganja su iznosila 219 miliona KM ili 112 miliona eura. Investicije za ovaj period su ispod petogodišnjeg prosjeka, i manje su za 54,8% u odnosu na prošlogodišnji iznos za isti period.

Djelatnosti (po klasifikaciji NACE Rev.2) u okviru kojih je registrovano najviše stranih investicija (preko 10 miliona KM) u prvih devet mjeseci 2015.godine su:

Telekomunikacije (66,2 miliona KM),

Upravljačke djelatnosti (savjetovanje u vezi s upravljanjem, 46,8 miliona KM),

Finansijske uslužne djelatnosti (osim osiguranja i penzijskih fondova, 42 miliona KM),

Trgovina na veliko (osim trgovine motornim vozilima i motociklima, 37,7 miliona KM),

Proizvodnja koksa i rafiniranih naftnih proizvoda (26,9 miliona KM),

Proizvodnja hemikalija i hemijskih proizvoda (24 miliona KM),

Proizvodnja ostalih nemetalnih mineralnih proizvoda (19,4 miliona KM) i

Poslovanje nekretninama (13,4 miliona KM).

U 2014. godini, djelatnosti sa najviše stranih ulaganja su: Proizvodnja koksa i rafiniranih naftnih proizvoda sa 178 miliona KM, Poslovanje nekretninama sa 167,8 miliona KM i Finansijske uslužne djelatnosti osim osiguranja sa 150 miliona KM.

Ukupan priliv stranih investicija u 2014.godini je 740 miliona KM.

Države sa ulaganjima preko 10 miliona KM su: Austrija (65,8 miliona KM), Luksemburg (65,3), Turska (48,8), Rusija (22,5), Srbija (21,7), Hrvatska (16), Kuvajt (12) i Njemačka (11,4 miliona KM).

Zemlje koje su u 2014.godini, investirale najviše su: Rusija - 195,8 miliona KM, zatim Austrija (172,5), Hrvatska (88,2), Velika Britanija (70,4), Luksemburg (36,5), Kuvajt (26,8), Srbija (25,5).

Treba uzeti u obzir da su podaci za 2015.godinu nekompletni i privremeni do objave zvaničnih podataka u avgustu ove godine. Tada će biti dostupni i detaljniji uporedni pokazatelji sa 2014.godinom.



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 02-2-07-2/04-1/16

Sarajevo, 13.07.2016.godine

AGENCIJA ZA UNAPREĐENJE STRANIH INVESTICIJA U BiH
Ul. Grbavička br. 4
71000 Sarajevo

Predmet: Mišljenje, dostavlja se

Poštovani,

Vezano za vaš dopis broj 04-07-6-318-2/16 od 06.07.2016. godine kojim tražite mišljenje na prijedlog vašeg odgovora na postavljeno poslaničko pitanje, obavještavamo vas da Ministarstvo vanjske trgovine i ekonomskih odnosa BiH jeste institucija nadležna za vođenje evidencije o stranim ulaganjima, ali da su u toku aktivnosti na otklanjanju nepravilnosti u Bazi podataka o direktnim stranim ulaganjima u Bosnu i Hercegovinu, te vam iz tog razloga nismo u mogućnosti dostaviti tražene informacije.

Koristim priliku da vas obavijestim da smo uz pomoć Svjetske banke-IFC/a, Međunarodne finansijske korporacije, kroz Projekat tehničke podrške vladama u BiH, intenzivirali aktivnosti na otklanjanju poteškoća u radu ove Baze, te da tokom septembra 2016 godine očekujemo okončanje ovih aktivnosti kada ćemo imati podatke o visini direktnih stranih ulaganja u Bosnu i Hercegovinu, odnosno podatke o visini kapitala upisnog u sudske registre nadležnih registracijskih sudova u BiH, a koje ćemo vam, kako je to bila dosadašnja dugogodišnja praksa, dostaviti u dogovorenoj formi zaključno sa 31.08.2016. godine.

Napominjem da podaci Centralne banke BiH koje ste naveli u vašem dopisu, govore o stanju i tokovima direktnih stranih ulaganja, te skrećem pažnju na neophodnost razumijevanja razlika u sadržajnom okviru i načinu prikupljanja te prezentovanju podataka o direktnim stranim investicijama. U tom smislu, a kako bi se izbjegle nejasnoće oko razlika, i ovom prilikom vas obavještavam da se podaci Ministarstva vanjske trgovine i ekonomskih odnosa BiH odnose na registrovani kapital stranih kompanija kod nadležnih registracijskih sudova, a da podaci Centralne banke BiH uključuju priliv i odliv stranog kapitala u obračunskom periodu.

S poštovanjem,

Dostaviti:

1. Imenovanim
2. Za evidenciju
3. a/a

POMOĆNIK MINISTRA
Dragiša Mekić